

Balefela motšhelo ba go feta 1 million ba dirile kgogo go tšwa pitseng ya polokelo ya bona

Tshwane, 11 Oktobere 2024 - Ditirelo tša Motšhelo tša Afrika Borwa (SARS) di rata go tsebiša gore go fihla ka letšatšikgwedi le di amogetše dikgopelo tše 1,213,646 tša ditaelo tša motšhelo tša dikgogo go tšwa go Kholego ya Kgogo ya Polokelo ya mokgwatšhomo wa pitša pedi. Go palomoka ya dikgopelo palo ya 1,148,729 ya ditaelo tša motšhelo di be di dumeletšwe gore tšhelete e lokololwe. Tšeo di šetšego di ile tša ganwa ka mabaka a mmalwa, go akaretša Dinomoro tša Boitšhupo tšeo di fošagetšego, magareng ga tše dingwe.

Palomoka ya kroso ya palontši ya R21.4 billion e šetše e lefetšwe go fihla ka letšatšikgwedi le.

Go ya ka maikemišetšo a SARS a gore balefela motšhelo ba diriše dikanale tša ditšithale, SARS e tloga e thakgetše go bega gore khalikhuleitha ya ekišo ya WhatsApp e dirišitšwe ga 51,547 ge e sale tshepetšo e phethagatšwa. Khalikhuleitha ya ekišo yeo e lego go wepsaete ya SARS ke karolo ya *SARS Online Query System*, yeo e dirišitšwego makga a 655,801. SARS gape e amogetše dipotšišo tše 53,519 ka dikanale tša tirišo ya lentšu, le makala a 8,655.

Balefela motšhelo ba hlohleletšwa go tšwelapele go diriša dikanale tša ditšithale, tšeo di lego bonolo, gape di dirišegago gabonolo. Go diriša dikanale tše go ra gore balefela motšhelo ga ba hloke go tlogela magae a bona goba mafelo a mošomo go yo ema methalading ya go hloka seriti.

SARS e rata go leboga ditheo tša taolo ya sekhwama sa motlaodutše ka tirišano ya segwera gape le ya seporofešenale yeo e dumeletšego SARS go raloka karolo ya yona ka phethagalo le bokgonii ka go šoma ka potlako go ntša dibolumu tša ditaelo tša motšhelo tšeo di nyakegago go fihla ka letšatšikgwedi le.

SARS e gopotša balefela motšhelo bao ba nyakago go dira kgopelo ya kgogo go kgonthiša gore ba tiišetša dinomoro tša bona tša motšhelo, ba rometše Dinomoro tša Boitsebišo tša go nepagala gape le gore ga ba na sekoloto seo se šaletšego.

Morago ga ge balefela motšhelo bao ba ngwadišitšego ba dirile kgopelo, taelo ya motšhelo ya katlego e tsebiša balaodi ba sekhwama ka ga bokaalo bja motšhelo bjo bo swanetšego go gogwa go tšwa go kgogo yeo. Dikgopelo tša taelo di amogelwa ke SARS 24/7 gomme di tšweletšwa mo iring mo matšatšing a 365 a ngwaga go tloga ka 8:00 go ya go 19:00. Ntle le ge kgopelo ya taelo e rometšwe ka ntle ga diiri tše, karabo ge eba molefela motšhelo go a obamele e tlo romelwa go sekhwana mo iring e tee.

Pele ga ge palo ya mafelelo e lefelwa go mokgopedi, sekhwama sa phenšene se tla tsebišwa gore se dire dikgogelo dife goba dife tšeo di šaletšego legatong la SARS pele ga ge tefelo efe goba efe e dirwa go leloko. Ge eba motho o na le peakanyo ya tefelo ya sekoloto le SARS, kgogo ya tšhelete e ka se amege. Ge eba go nale sekoloto seo se kolotwago go SARS, se tlo gogelwa go ya ka peakanyo yeo.

Balefela motšhelo ba gopotšwa gore motšhelo o tlo tšheledišwa go kgogo ka tekanyo ya motšhelo wa magareng ga 18%-45% go ya ka dikala tša bona. Mabapi le

tshedimošo ye, go na le balefela motšhelo bao ba sa tsebišego matseno a bona ka botlalo ka boomo.

Khomišinare wa SARS Mrn. Edward Kieswetter o boletše gore “SARS e tloga e tshwenyegile kudu gore balefela motšhelo ba 213,654 ba šupeditšwe fao ba tsebišitšego letseno la motšhelo leo le fošagetšego ka nepo ya go hwetša tekanyo ya motšhelo ya kgaugelo. Ge eba molefela motšhelo ga a o laodiše letseno ka botlalo, o tloga a amega ka boomo go efoga boitlamo bja gagwe bja motšhelo. Kotlo ya tefišo e tlo dirišwa go balefela motšhelo bao ba sa laodišego letseno ka botlalo. Sa mafelelo, ke rata go lemoša balefela motšhelo go tlogela maitshwaro a go sepelelana le bosenyi ka ge go na le ditlamorago tša maitshwaro a bjalo”.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za